

# اللقاء ( 30 ) | #وأنذرهم\_يوم\_الحسرة | د . أحمد جلال

أحمد جلال

ها السلام عليكم ورحمة الله وبركاته اعوذ بالله السميع العليم من الشيطان الرجيم. بسم الله الرحمن الرحيم. الحمد لله رب العالمين والصلاة والسلام على اشرف المرسلين سيدنا محمد وعلى اله وصحبه. ومن تبعهم باحسان الى يوم الدين اما بعد - [00:00:00](#)

اليوم باذن الله تبارك وتعالى نوصل ما بدأناه من الوقوف مع هذه الاية الفذة الجامعة التي والله لو اخذ بها الناس لسعدوا في الدنيا والاخرة قول الله سبحانه انذرهم يوم الحسرة - [00:00:30](#)

وانا دايمًا باقول لكم هافضل لكم اخواني والله احنا محتاجين فعلا عودة صادقة للقرآن محتاجين عودة صادقة للقرآن بيصعب علي جدا لما يكون في محامي مرفوع له قضية من القضايا فيبدأ يجيب المحاضر والوراق بتاعة القضايا والحكم الاولاني - [00:00:48](#)

وتلاقيه ماسك ماسك الدوسيه ده كله او الملف ده كله وييلف الملف ده كلمة كلمة كلمة حرف حرف يبص اولًا على المحاضر ويحاول يطلع ثغرة من الثغرات في المحاضر. وبعد شوية يبدأ يمسك الحكم ويمسك مش عارف ايه - [00:01:13](#)

ويقعد مسلا اسبوعين ثلاثة اربعة لحد ما يطلع ايه؟ ثغرة. وبعد كده يرجع لكتب القانون. تلاقي القانون الكتاب بتاعه فخم قد كدهو تلاقيه عمال يدور بين بين السطور. على مخرج من المخارج. لحد ما في النهاية تلاقيه - [00:01:41](#)

وقف مع ثغرة القانون مع ثغرة موجودة في قلب المحاضر وتلاقيه يطلع الانسان ده براءة بيحصل كم بذل من الوقت والجهد والعناء والتعب والنصب. كم ليلة عدت عليه ما نامش - [00:02:01](#)

علشان يوصل لده. كل ده علشان في النهاية مقابل يعني هياخد له كم؟ ثلاث اربع خمس تلاف جنيه. علشان خمس تلاف لف جنيه يمكن صرف نصهم لما راح القسم ونص لما راح المحكمة ومش عارفة تدلقي وده ايه علشان يوصل في النهاية لكam - [00:02:20](#)

المجهود ده كله خده وبذله علشان مبلغ بسيط وانا دايمًا باقول والله احنا لو عشنا مع القرآن كما يعيش هذا الانسان مع القضايا والمحاضر والله سيتغير الامة لو كل شاب منكم وكل بنت قاعدة هناك بتسمع في مكان البنات. وكل والد كريم وكل ام كريمة ركزوا فعلا في القرآن التركي - [00:02:42](#)

الكيس ده صدقوني والله هتفرق كثير جدا معنا في حياتنا اية واحدة انا خطبتها خطبة وشغالين فيها ثلاث اربع دروس الى الان ليه؟ مليانة معاني مليانة معاني وانا يقيني ان انت لما بتراجع بيتك بتقعد تطلع معاني. كلمني احد اخوانا من المنزلة. امام وخطيب بيقول لي انت - [00:03:11](#)

بس قلت الاية وانا بدأت اركز كده في الخطبة لما كانت بتبث مباشر ورجعت للدرس كمان انت عمال تفتح لي خيوط عمال انسج فيها دروس انا محتاج منكم كده. انا دوري معكم في المسجد هنا مش ان انا ادي درس وامشي. انا دوري معكم ان انا - [00:03:38](#)

احلى قيود علشان انت لما ترجع تبدأ بقى تقرأ وتذاكر وتراجع علشان تزداد علم وفهم. ده انت فعلا لو عايز تتقدم للامام في طريقك الى الله. لما بديك درس لا ينتهي الدرس بخروجك من المسجد. لأ ده بداية. علشان انت محتاج - [00:04:00](#)

ترجع زمان مشايخنا كانوا بيعلموننا كده. مشايخنا كانوا دايمًا بيعلموننا بعد الدرس ارجع اكتب الملخص بتاع الدرس وانت ابدأ طلع الدروس والفوائد والاشياء اللي انت استفدتها. والاشياء اللي ممكن تضيفها على الشيخ. علشان يبقى عندك كم هائل والدرس ده لا يمكن - [00:04:20](#)

انسان وانذرهم يوم الحسرة. اتكلمنا عن ان اعظم حسرة تصيب الانسان يوم القيامة هي حسرة ان الانسان ده تضيع منه حسنة لان اغلى شيه بيملكه الانسان في اليوم ده الحسنة - [00:04:40](#)

لفلوس هتنتفع في الوقت ده ولا ارض هتنتفع في الوقت ده ولا عمارة ولا نسب ولا كرسي ما فيش حاجة هتنتفع يوم القيامة الا الحسنة  
فاغلى حاجة انت هتملكها الحسنة بتاعتك - [00:04:57](#)

واعظم حسرة تصيب الانسان ان الحسنة دي تضيع منه وقلت لكم ان الحسنات ممكن تضيع بصور متعددة منها عدم اخلاص الانسان  
في عمله. بيضيع عليه الحسنة بتاعته. منها المظالم والمظالم دي - [00:05:13](#)

يعني هي الالة اللي فعلا اللي بتدمر حسنات. في في المكاتب الكبيرة والشركات الكبيرة لما بيكون عندهم اوراق كتيرة كده بيقوموا  
حاطين الاوراق دي في مكنة فالمكنة دي بتعمل ايه؟ اه بتفرم الورق. مفرمة الحسنات يوم القيامة المظالم - [00:05:34](#)  
مفرمة الحسنات يوم القيامة المظالم. تفرم الحسنات فرم. تالت حاجة ممكن تضيع عليك الحسنة بتاعتك ونبدأ بها درس النهاردة  
معصية السر معصية السر وانا لا اعني ابدأ بمعصية السر هي المعصية اللي آآ المتعلقة بالشهوة. ده ده جزء من معاصي السر. انا اعني -  
[00:05:54](#)

في معصية السر هي المعصية التي يخاف الانسان ان يرتكبها امام الناس فاذا خلا بمحارم الله انتهبها المعصية اللي الانسان منا ما  
يعملهاش ابدأ قدام حد. ويبقى شايل هم ان الناس على المعصية دي - [00:06:25](#)  
بس لما بيكون لوحده عادي جدا انه ينتهك في هذا الذنب. وعاييز من البداية يا اخواني افرق ما بين اتنين. عاييز افرق ما بين انسان هو  
انا وانت انا وانتم - [00:06:45](#)

ما فيش انسان منا في وقت معصية في وقت خلوة ما عصاش ربنا. ده حالي انا وانت بالحل اتقى الاتقياء بس لو نفسه في يوم من  
الايام ضعفت في وقت خلوة بيتوب وبيرجع لربنا سبحانه وتعالى وبيندم. وقلبه يعتصر لما بسبب الذنب ده - [00:07:07](#)  
انا مش ده اللي انا بتكلم عنه لان ده اصلا حاله عند ربنا كبير اوي والله يا اخوانا ده حاله عند ربنا كبير اوي اللي في وقت خلوته بحكم  
انه انسان. زلت قدمه في معصية - [00:07:28](#)

بس بعدها هو في قمة الالم. وفي قمة الهم. ومش طايق يكلم حد. وقافل عليه اوضته وحاسس بخنقة لو حاسس بغصة في حلقك انا  
مش بتكلم على الانسان ده. لان الندم والغصة والتعب والهم اللي اصابه بسبب الذنب ده - [00:07:46](#)  
انا على يقين اندم ده بيرفعه لدرجة اعلى من الدرجة اللي كان فيها اصلا لان ندمه ده في حد ذاته توبة. النبي صلى الله عليه وسلم  
يقول الندم توبة. الندم - [00:08:06](#)

توبة لما بتندم ده دلالة ان انت من جواك عاييز تتوب. لما بتندم بتبقى نفسك من جواك عاييزة تصرخ وتقول يا رب نفسك من جواك  
بتبقى عاييزة تنادي باعلى صوت. يا رب سامحني. فاذا رأى الله سبحانه وتعالى - [00:08:23](#)  
الا هذا من الانسان؟ غفر له الله عز وجل ما كان من هذا العبد ولا يبالي ربنا عز وجل. ليه؟ لانه في لحظة سيطرة النفس وفي لحظة  
الضعف البشري بتاع الانسان منا. اي انسان منا. مهما كان صالح بمجرد ان يرى الله عز - [00:08:43](#)

وجل منه هذا الندم وهذا الالم يغفر الله سبحانه وتعالى له ذلك. انا لا اتكلم عن هذا الانسان لا اتكلم عن هذا الانسان الذي وعده الله عز  
وجل بمغفرة بسبب هذا الندم. لا اتكلم على هذا الانسان اللي - [00:09:03](#)

بمجرد ما وقع في الذنب وانتهدت لذة هذا الذنب بكى. انا لا اتكلم عن هذا الانسان اللي حاله بيمثل حالي وحالك اللي بيمثل حالي  
وحالك. ممكن يعدي عليه يومين ثلاثة ما بياكلش. بسبب الندم على الذنب اللي وقع فيه. لا اتكلم - [00:09:23](#)  
فعن هذا الانسان الا لما وقع في معصية سر في معصية خلوة قام وتوضأ وصلى بين يدي الله عز وجل ركعات مسيرات فيها اعلن  
ندمه وتوبته بين ايدين ربنا سبحانه وتعالى. وهو ساجد كده وهو ساجد كده - [00:09:45](#)

والله له انين بينه وبين ربه عز وجل اعظم عند الله اجرا وفضلا من تسبيح المسبحين. الانين بين العبد وبين ربنا. الالم اللي الله  
سبحانه وتعالى يعلمه منه فيغفر له انا لا اتكلم عن هذا الانسان لان هذا الانسان انسان نقي. وانسان فيه خير وانسان فيه صلاح -  
[00:10:05](#)

هذا الانسان انا مش بتكلم على واحد عايش معنا. الصحابة كانوا كده كان الواحد منهم اذا وقع في ذنب كان ده بيبقى حاله. ندم والم

وتوبة ورجوع. ووالله يا اخواني والله - [00:10:33](#)

بصدق بصدق بحكم ان انا قاعد معكم ليل نهار وعارف مشاكلكم. وعارف احوالكم والله والله مين بيننا اقوام وقعوا في معاصي زي دي انا بستشعر منهم وهم بيكلموني في تليفون او معي في الاوضة والله لو كان رسول الله بيننا - [00:10:50](#)

وحي بيننا احسبه كذلك ولا ازكي على الله احد. لقال النبي صلى الله عليه وسلم والله لقد تاب التوبة لوزعت على سبعين منكم لوسعته انا اعلم ناس بينا الان كده - [00:11:10](#)

اسأل الله عز وجل ان يتوب علينا وعليهم. فيه ناس كده ماعز وقع في زنب سر انا لا اتكلم الان عن حال ماعز او حال الغامدية. او حال الصحابي اللي قال للنبي صلى الله عليه وسلم وقالوا بيعتصر همن ويقول له اصببت ذنبا طهرني - [00:11:25](#)

لان الناس دي لها حال ولها قدر عند الله سبحانه وتعالى. هو وقع لانه بشر بس رجع بسرعة يصلح من حاله ويصلح من شأنه ويصلح من الوضع اللي كان عليه - [00:11:44](#)

وارجو من الله سبحانه وتعالى لهؤلاء الذين احسبهم صادقين ارجو من الله سبحانه وتعالى لهؤلاء ان يكونوا بعد توبته قيل في منزلة اعلم مما كانوا عليها ولكن انا اتكلم على الصنف الثاني من البشر. اللي هيتحسر يوم القيامة حسرات ما بعدها حسرات. الذي -

[00:12:01](#)

اذا عصى الله سر خرج فدعا الناس الى هذا الذنب. اتكلم عن هذا الذي داوم على معصية السر وهو لا يفكر في توبة ولا يندم ولا يتوب ولا يرجع. انا اتكلم عن هذا الانسان اللي بيعصف السر - [00:12:26](#)

ويخرج بعد ذلك بعدما ستره الله ليعلن هذا على رؤوس الاشهاد. هو ده اللي احنا بنتكلم عنه. احنا بنتكلم عن على الناس اللي خلاص بيعمل معاصي كتير جدا ولو جيت في يوم من الايام تقول له اتق الله حرام عليك يقول لك انت مش فاهم - [00:12:46](#)

قال النبي صلى الله عليه وسلم للحديث عند ابن ماجه باسناد حسن من حديث ثوبان رضي الله عنه سمعت النبي صلى الله عليه وسلم يقول اني اقواما وفي رواية لاعلمن اقواما يأتون يوم القيامة بحسنات امثال جبال تهامة بيضاء نقية. يبقى - [00:13:06](#)

الناس دي كانت عندها حسنات كتير. يجعلها الله هباء منثورا. قالوا يا رسول الله من هؤلاء صفهم صفهم لنا جلهم لنا. فقال صلى الله عليه وسلم اما انهم منكم ومن جلدتكم ويأخذون - [00:13:26](#)

فمن الليل كما تأخذون. ويتكلمون بالسنتكم ولكنهم اقوام اذا خلوا. الجملة الاسمية اللي تدل على الايه على الاستمرار ان ده بقت عادة عندهم. ولكنهم اقوام اذا خلوا بمحارم الله انتهكوها. اقوام - [00:13:46](#)

اذا خلوا بمحارم الله انتهكوها طول ما هو في وقت خلوة بعيد عن اعين الناس على طول يقع في معصية الله سبحانه وتعالى. طب الناس دي ليه يوم القيامة هتكون لها حسرة او هيكون اليوم عليها حسرة لاسباب كثيرة جدا تعالوا مع بعض كده نرتب افكارنا -

[00:14:06](#)

اول حسرة تصيب هؤلاء الذين يداومون على هذه المعاصي في السر اول حسرة تكون عليهم هي حصى ضياع الحسنات. ضياع اغلى ما يملك الانسان في ارض القيامة. النبي يقول جايين بجبال - [00:14:31](#)

امثال جبال تهامة بيضاء نقية. حسنات لا حدود لها. كالجبال كالجبال ولكن يجعلها الله هباء منثورا. فتخيل الان انسان وقف بين يدي الله عز وجل الان حسنة وحدك. حسنة واحدة. تنزل في الكفة علشان خلاص يعدي ويخش الجنة. ويفاجئ ان جبال الحسنات -

[00:14:51](#)

اللي اتحطت في كفة الحسنات كلها اصبحت هباء منثور. فاول حسرة تصيب هذا الانسان المداوم على معاصي السر ولا يندم ولا يتوب ولا يرجع عنها. اول حسرة تصيبه هي الحسرة التي تصيب هؤلاء الذين تضيع منهم الحسنات - [00:15:20](#)

يا اخوانا فيه لحظات بتبقى لحظات الم في لحظات كده تبقى لحظات الم ومن اشد لحظات الالم اللي بتصيب الانسان مسلا. نسأل الله السلامة اللي بيبقى في حادث ولا شئ. ومنتظر الاسعاف على ما تيجي انه - [00:15:41](#)

انظر مسلا لدراعه مسل وهو بينزف دماء او جسمه بينزف دم. وهو عارف ان النزيف في الدم ده ممكن يوصل في لحظة من اللحظات

للموت تخيلوا الان معي نسأل الله الا يكتبها على احد مسلما او غير مسلم. تخيلوا في يوم من الايام انسان عمل حادثة - [00:16:01](#) على الطريق وتليفونه يبطلعه وشايف نفسه بينزف. تليفونه يبطلعه. لقي التليفون فصل شحن منه وهو عمال ينزف ويرجو ان يعني يصرخ باعلى صوته. لعل ان في انسان يسمع هذا الصوت فييجي ينجده - [00:16:21](#)

هو عمال ينادي باعلى صوت وتلاقي النزيف شغال. وهو يعلم يقينا ان في لحظة من اللحظات ان مع اخر قطرة دم ممكن تنزل في النزيف ده فيها حياتي. فيها حياته بيموت. تخيلوا قدر الحسرة الان ان ما عهوش مسلا - [00:16:41](#) فور بنك يكون سبب في نجاته في هذا الوقت تخيلوا الان انه لسه يعني خلاص التليفون فصل هيتصل بيمين؟ وتخيل الحسرة! يعني متخيل الحسرة يعني ما بالكم اذا كانت هذه حسرة الدنيا؟ فما بالكم يا اخوانا بالاخرة - [00:17:01](#)

يمكن اظن يعني كلنا شفنا حادثة الطائرة الاندونيسية. واغلبننا شاف الفيديو بتاعهم حاجة مؤلمة انا ما قدرتش اصلا اكمل الفيديو الطائرة خلاص مايلة بتقع وداس خلاص مستشعرين ان هم بيموتوا - [00:17:24](#) وبدأت المطبات تتحكم في الطائرة الطاهرة خلاص تم فقدان السيطرة تماما على الطائرة. واحد طلع وعمل بث مباشر. لحد هل الناس

في الطائرة تخيل الان ان كل واحد من اللي كان قاعد الان شريط حياته كله بيعدي عليه. بحسناته ومعاصيه - [00:17:47](#) بحسناتي ومعاصي. وتخيل الان ان وهو في السما فوق يعني يعني انا في مرة كنت راجع من السعودية كنت راجع من الحج في سنة من السنوات ايام العاصفة الترابية الرهيبة اللي مطارات السعودية كلها وقفت فيها ثلاث تيام. كنت اخر طائرة طالعة من المطار -

[00:18:10](#)

ودخلنا في العاصفة دي اقسام بالله لحظات لا تنسى. انت اكثر من نص ساعة ماشي جوة مطبات الطائرة عمالة تطلع وتنزل في كل لحظة قلبك انخلع منك عارفين اكثر حاجة كانت مرعبة ايه ان ما فيش اي سبيل للنجاة - [00:18:31](#)

الا من عند الله عز وجل. ما فيش اي سبيل نجاة. هتصرخ صرخ من هنا اصرخ من هنا لبكة اصرخ من هنا لبكة. والطيارة طالعة نازلة طالعة نازلة. وكان جنبي يعني الكراسي اللي جنبي فيها ام. معها - [00:18:55](#)

طفلين انتم مش متخيلين كمية الصريخ والحسرة يعني يا اخوانا في لحظة والله العظيم والله الام يا اخوانا نسيت ولادها الاتنين وبقت ماسكة في الكرسي كده خلاص يا اخوانا خلاص لا سبيل خلاص للنجاة. انت مش متخيل بقى حسرة الانسان اللي كان راكب

[00:19:14](#) - الطائرة

تري رايح يعمل ذنب دلوقتي حسرته دي عاملة ازاي انسى ده كله وفكر بقى في حسرة القيامة. حسرة الانسان انه نفسه في حسنة ولا سبيل للنجاة في هذا الوقت الا بهذه الحسنة. بعد فضل الله عز وجل وهو يرى الان كل الحسنات بتضيع - [00:19:40](#)

انتم مستشارين؟ كل الحسنات بتضيع. يا ترى الوضع هيبقى ايه؟ حسرة هذا الانسان اللي كان دايم على معاصي السر وواقف بين ايدين ربنا يعني ويعلم يقينا ان النجاة ان النجاة في الحسنة - [00:20:07](#)

وبين هو ينظر الى حسناته اذا بهذه الحسنات تضيع يجعلها الله هباء منثورا وينادي ويصرخ لما تضيع الحسنات؟ فيذكر هذا الانسان بما فعل قديما في وقت السر دي يا اخوانا حسرة من اعظم حسرات هذا الانسان. الحسرة الثانية على هذا الذي يعصي الله سرا. نسأل

[00:20:27](#) - الله

السلامة. نسأل الله السلامة. يعني من قيمة كم يوم؟ من فترة تقريبا شهر ونص ولا شهرين. اتنين مزيعين كبار بتوع كورة وبيتكلموا مع بعض المايك مفتوح ومش واخدين بالهم. وهم يتحدثون بمعاصي السر اللي بينهم وبين بعض - [00:20:57](#)

فاصبحت فضيحتهم على كل الخلق يعني اسأل الله ان يتوب عليهم وعلى عصاة المسلمين. واسأل الله ان يوفقنا واياهم للتوبة والرجوع الى الله سبحانه وتعالى وتفاجى ان واحد في يوم من الايام منهم بيكتب له تعليق مش عارف على الموقف ده. فييتباهى

[00:21:16](#) - بالذنوب اللي

بيعملها قدام الناس ويحط كده آآ بيسموه ايه موشن ولا بيحطوا اسمه ايه؟ اه انه آآ بيهزر وبيضحك. لا والله. لا والله خد بالك

[00:21:40](#) - الموضوع مش كده. الموضوع اكبر من كده

الموضوع اكبر من كده. الموضوع كان المفترض نفكر فيه ماذا فعلنا؟ ماذا فعلنا؟ حتى يكشف الله عنا الستر امام كل الخلق. كان المفروض يفكر بالتفكير ده. ايه اللي احنا عملناه؟ علشان ربنا يقوم - [00:21:56](#)

الستر كده والكلام ده يطلع الناس كلها تسمعه. كان المفروض التفكير يكون كده. كان المفترض بعد ما اتكشف الست انه يرجع لربنا ويقول له انا من غير سترك لا اسوي شيئا. كان المفترض ان يقول له يا رب سامحني انا محتاج لسترك. احتاج لسترك - [00:22:16](#)

ده كان المفروض ده حال اي انسان لا تزال الفطرة الصحيحة السليمة في قلبك. وعلشان كده والله يا اخواني انا ادعو هؤلاء ان احنا نرجع كلنا كل المسلمين. نرجع لربنا سبحانه وتعالى وبخاصة عند وجود عقوبة اسمها انكشاف الستر - [00:22:36](#)

تاني اكبر سبب من اسباب حسرة اصحاب معصية السر هو انكشاف الستر عنهم يوم القيامة كما قال الله عز وجل بل بدأ لهم ما كانوا يخفون من قبل بل بدأ لهم ما كانوا يخفون من قبل. ومعنى الاية اي اظهر الله سبحانه وتعالى لمن عصاه سره - [00:22:56](#)

ما كان يخفيه في الدنيا كيف ستكون فضيحة الانسان وهو واقف بين ايدين ربنا طب كان بيعصي بيعصي زمان. كان بيعصي زمان في السر عشان ما حدش يشوفه. هذه يا اخواني لا يتحملها - [00:23:26](#)

انه يتفضح قدام الناس. قدام الامم كلها يوم القيامة وصاحب معصية السر. تاني سبب من اسباب حسرته قول الله سبحانه وتعالى في سورة الحاقة بسم الله الرحمن الرحيم. يومئذ تعرضون - [00:23:46](#)

لا تخفى منكم خطيب لا تخفى منكم خافية. ان اتعمل زمان وما تبتوش منه لا يخفى يومئذ. قال ابن عمر رضي الله عنه ويفسر هذه الاية اظهر الله لهم ما فعلوه في الدنيا. فاما ان يكون زينا في الوجوه. واما ان يكون شيئا فيها - [00:24:10](#)

يا اما اللي احنا اخفيناه في الدنيا وجوهنا تنور به. صدقات سر ركعات في جوف الليل واستغفار دمعة في جوف الليل. واما ان يكون شيئا في هذه الوجوه. فاذا ظهر لهذا الانسان صاحب معصية السر - [00:24:33](#)

ما كان يفعل في الدنيا بدأ وظهر هنا على طول بتكون الحسرة. لذا كان يقول ابو الدرداء رضي الله عنه اضحكني ثلاث وابكاني ثلاث بيتكلم عن الحاجات اللي ابكته قال وابكي يوم ينادي المنادي فريق في الجنة - [00:24:53](#)

وفريق في السعير ولا ادري مع من انا ولا ادري مع من انا وابكاني وابكاني يوم تطاير الصحف. وانا لا ادري اخذ كتابي باليمين قام بالشمال من وراء ظهري. وابكاني وقوفي بين يدي الله والله عز وجل يقول اعرضوا على - [00:25:18](#)

فعبدي ما كان يصنع في الدنيا ثم تلى ابو الدرداء يومئذ تعرضون لا تخفى منكم خافية شيء مبكي ان انا اتفضح بين ايدين ربنا وهذه من اعظم حسرات هذا الانسان. الذي عصى الله عز وجل سرا - [00:25:48](#)

واما ثلاثة الاثاف واشد انواع الحسرات لهذا الانسان فهي عتاب الله له. فيا عتاب الله له. وهذا ما لا يتحمل. ان ربنا هيحاسبه. يوم فان كان الناس ينظرون اليك تركت المعصية. فلما غفل الناس عنك فعلتها. لم - [00:26:11](#)

سألنتي اهون الناظرين اليك. هذي باللي ما حدش فينا يتحملها ان العتاب يبقى جاي من ربنا. ان العتاب يبقى جاي من ربنا. ليه عملت ده؟ ليه عملت ده؟ وليه في - [00:26:42](#)

في يوم من الايام كنت تخشى الناس ولم تخشى الله. ليه في يوم من الايام كان عندك حياة من رؤية الناس لك؟ ولم يكن عندك حياة من رؤية الله لما كنت دائما تراقب اعين الناس لك ولم تراعي عين الله التي لا تتركك. لماذا كنت دائما تهتم - [00:26:59](#)

في كلام الناس ولا تهتم بكلام الله. ليه؟ ليه؟ ليه ما جعلتني اهون الناظرين اليك؟ يومئذ يود الذين فكفروا وعصوا الرسول لو تسوى بهم الارض. لو تسوى بهم الارض يا ريت الارض في هذا الوقت تنشق - [00:27:19](#)

تبلغ الانسان لانه مش هيجد كلام يتكلم به مع ربه عز وجل. ماذا اقول لربي؟ اذا ما قال لي ربي اما استحييت تعصيني؟ وتخفي الذنب عن خلقي وبالعصيان تأتيني؟ اما استحييت - [00:27:39](#)

اما استحييت؟ يعني لذا لله ضر ابن عطاء الله ابن عطاء الله رحمه الله وهو يذكر منزلة لاصحاب الايمان. قال ان اهل الايمان يسألون الله الستر عن معصية واهل المعصية يسألون الله الستر في المعصية. وبدأ يوضح رحمه الله الفارق بين الاثنين - [00:27:59](#)

قال اللي ببسأل الله عز وجل الستر في المعصية. خايف ان الستر ده ينكشف فالناس تراه. اما الذي يسأل الله عز وجل ستر عن

المعصية فهو يسأل ربه ان يحول بينه وبين المعصية. فالاول يخاف من سقوطه من عين الناس - [00:28:33](#)

واما الثاني فيخاف من سقوطه من عين الله فارق كبير بين الاثنين فرق كبير بين الاثنين. بين ده اللي كان خايف من الناس في الدنيا

فخايف ان ربنا يعني يرفع عنه الستر - [00:28:53](#)

في وقت المعصية. فيسقط من اعين الناس. واما هذا الانسان فهو اكثر حاجة خايف منها انه يعني يسقط من عين الله سبحانه وتعالى

ثلاث حشرات تصيب هذا الانسان الذي عصى الله سرا. اما الحسرة الاولى حسرة ضياع الحسنات - [00:29:10](#)

واما الحسرة الثانية فهي حسرة انكشاف وبدو وظهور ما كان يفعل في الدنيا. واما الحسرة الثالثة فهي كتاب الله له عتاب الله له

ثلاث حاجات قبل ما تعصي الله افترهم. ثلاث حاجات قبل ما تعصي الله افترهم. افتر مشهد ضياع حسنات - [00:29:34](#)

افتر مشهد افتر مشهد ظهور ما فعل الانسان في السر. تالت حاجة افتر مشهد خاطئ عتاب الله عز وجل للانسان اما الانسان اللي

ما شاء الله لا قوة الا بالله بقى اللي كان في وقت سره حريص اوي على طاعة ربنا سبحانه وتعالى - [00:30:02](#)

ان شاء الله اليوم ده مش حصر خالص. خالص بل هي من اعظم اللحظات التي ستمر عليه منذ ولدته امه تخيل انسان الان يعني اسأل

الله عز وجل ان يجعلني واياكم من هؤلاء. تخيل هذا الانسان اللي كان بينتظر اللحظة - [00:30:28](#)

لزوجته فيها مع اولاده يروحوا عند حماته عشان يقعد في البيت يمك مصحفه ويقرأ له خمس ست اجزاء تخيل معي يعني حال

هذا الانسان تخيل معي حال الانسان اللي له صدقة كده على ايتام او على ارملة لا يعلم بها احد - [00:30:49](#)

تخيل حال اخ من اخواننا يا رب يا رب نكون منهم كده. الاخ اللي يروح بيته ما يلاقيش حد في البيت زوجته كانت تحت عند جارتته

اللي تحت هي اولاد دخل وفتح على مقطع مؤثر قرآني وقفل النور بتاع الاوضة ونكس رأسه وبدأ يفكر في الايات او يفكر في كلام

الشيخ - [00:31:13](#)

حتى يعني اقشعر جسده ودمعت عينه تخيلوا حالة دمعة دي يوم القيامة بين ايدين ربنا تخيلوا حال الانسان حال الانسان اللي قافل

عليه عربيته لوحده لا يراه احد. العربية كلها متفيمة لا يراه احد - [00:31:33](#)

وعدت عليه بنت في غاية الجمال فغض طرفه ثم نظر الى السماء وقال اي ربي وعزتك وجلالك ما تركت هذه النظرة الا ابتغاء وجهك

تخيل حال الانسان ده. تخيل في يوم من الايام الشاب اللي تتعرض عليه معصية وكان راجل في وقت آآ عرض المعصية - [00:31:53](#)

حيث لا يطلع عليه احد. يا رب يا رب انا الان المعصية قدامي سهلة. وكل اسباب المعصية قدامي الان متاحة يا رب ولا يراني احد.

ولكن يا رب انا ساترك هذا الذنب وهذه المعصية لان انا بحبك. تخيل شاب من شباب - [00:32:18](#)

بابنا وولادنا حب ربنا ملق قلبه لدرجة ان المعصية بينه وبينه وبينه وبينه خطوة ويقول يا رب انا هسيبها لله. ما توسعوا يا جماعة

لاخوانكم وسعوا تخيلوا حال هذا الانسان بين ايدين ربنا يوم القيامة - [00:32:38](#)

وكيف تكون سعادة هذا الانسان تخيل الان ان انت واقف قدام كل اصحابك. وواقف قدام كل زميلك. ماشي؟ والان آآ خلاص ربنا

بيقول مسلا احمد جلال اطلع اطلع بلاش احمد. محمد عادل اطلع يا محمد يا عادل. اخونا احمد اطلع بلا عشان

هتتسأل هتتسأب. وقدام - [00:32:57](#)

الناس كلها انت طالع بفضل الله بفضل الله. بخطوات ثابتة. وانت في قمة الفرح. انا هقف قدام ربنا وربنا سبحانه وتعالى بيكلمك. ها

وينادي على الملائكة ايا ملائكتي؟ اعرضوا عليه ما كان يصنع في الدنيا. وانت منتظر - [00:33:21](#)

في اللحظة دي انت منتظر اللحظة دي. ان الملائكة قدام كل الناس هتقول يا رب ما علمنا عنه لما كان في عربيته معدية قدامه غض

نظره عنها. ونظر الى السماء وقال اي ربي والله. والله يا رب لولا حبك في قلبي لنظرت اليها. بس - [00:33:41](#)

تخيل الان حال الانسان ده في فرحته لما يسمع هذا الكلام لما يعرف ان الكلام ده هيتعرض قدام اهله تخيلوا لان حال الشاب اللي

اتعرضت عليه بنت قالت له انا بحبك وانا بقى لي فترة معجبة بك وعايز اكلمك - [00:34:02](#)

قال لها ما اقدرش والله طلبك مش عندي انا ما اقدرش الحب ربنا في قلبي يمنعي من ده. وخف من ربنا سبحانه وتعالى يمنعي من

ده. ما اقدرش اعمل كده. تخيل يوم القيامة - [00:34:24](#)

هو الله عز وجل يسمع هذا الكلام من الملائكة عنك تخيل في يوم من الايام وانت واقف بين ايدين ربنا والملائكة تقول يا رب كان كل شهر بيدخر جزء من المال بتاعه علشان كان بينفق على - [00:34:39](#)

دار ايتام او كان بينفق على مساكين. حيث لم يكن احد يعلم بهذه الحسنة ابدأ. تخيل انت متخيل فرحتك يومها انت متخيل قدر السعادة بتاعتك يومها. الناس دي لها حال ثاني عند ربنا - [00:34:54](#)

وازا كانت ارض القيامة كلها مليانة مشاكل لناس. فصدقوني والله اعظم الناس قدرا عند الله سبحانه وتعالى. الناس اللي اجتهدت في وقت خلوتها في عمل صالح. دي الناس اللي ربنا بيرفعها اوي في الدنيا. وبيرفعها اوي في الاخرة. بيرفعها اوي في الدنيا. ويرفعها اوي في - [00:35:11](#)

الاخذة تخيل الشمس قريبة من رؤوس الناس. والناس غرقانة في عرقها. وتيجي انت من وسط كل الخلق. الملائكة تاخذ بايد بسم الله الرحمن الرحيم. ان الذين سبقت لهم منا الحسنی. اولئك عنها مبعدون - [00:35:31](#)

لا يسمعون حسيبها وهم فيما اشتت انفسهم خالدون. لا يحزنكم الفرع الاكبر. وتلقاهم الملائكة. الملائكة اللي كانت زمان في الدنيا بنخطب العمل الكويس اللي انت بتعمله ده. الملائكة اللي كتبت خطواتك وانت رايح لدار ايتام. الملائكة اللي كتبت خطواتك وانت رايح المستشفى تعمل - [00:35:49](#)

كل الاطفال تدخل على الامة والسعادة. الملائكة اللي كتبت حسناتك وانت رايح لمستشفى تساعد انسان بحكمك. مش قادر يجيبها. الملائكة اللي كتبت حسناتك لما عرفت في يوم من الايام ان في حد محتاج دم لا تعرفه ولا يعرفه انه خدت نفسك ورحت علشان تدي له الدم. الملائكة اللي كتبت حسناتك وانت بتقرأ قرآن بالليل - [00:36:09](#)

الملائكة اللي كتبت حسناتك وانت بتغض نظرك عن الارض. الملائكة اللي في يوم من الايام شافتك ماسك تليفونك واتعرض عليك في حاجة غلط قفلت التليفون وقلت اني اخاف الله. تصدقني وانت خارج من قبرك وتاخذ بايديك علشان تقول لك الكلام ده. وتلقاهم الملائكة - [00:36:29](#)

اليوم النهاردة بتاعكم هذا يومكم الذي كنتم توعدون وتاخذك الملائكة بايديك علشان تقف قدام ربنا سبحانه وتعالى وتبدأ الملائكة تتكلم بحال هذا الانسان. طب الشمس الكبيرة فين؟ لا معلش. انت مش مع الناس اللي واقفة في الشمس؟ شوف النبي بيقول في الحديث - [00:36:49](#)

سبعة يقولهم الله في ظله يوم لا ظل الا ظله اغلبهم كانت اعمال ما حدش يعرفها. اغلبها كانت اعمال ما حدش يعرفها وهو في الجنة حط في ودانه السماعات بيسمع مسلا قرآن - [00:37:09](#)

ادريس اطقم وضهره وهو بيجري على المشاية. آآ سمع الايات وجه عند قول الله سبحانه وتعالى بالجنة ومسح ايديه كده وخلص. يوم القيامة ما يتعشب تعال يا ابني خش ذو عرش الرحمن. وشاب تصدق بصدقة فاخفاها. حتى لم تعلم الشمال ما له فقط يمينه. برضو عمل كما - [00:37:29](#)

والثالث هو رجل او شاب دعتة امرأة ذات منصب ومال وجانب وجمال قال اني اخاف الله مش هتدعون لك في وقت السر؟ قال لا انا مش فاهم الكلام ده. انا مش الكلام ده والله. ما ليش الكلام ده انت انت غلطتي. انت غلطتي ان انت جيتي في الحتة دي. حنة كده؟ ده بتاع ربنا مش بتاع حد - [00:37:59](#)

اتقوا ربنا مش ده حد اني اخاف الله. والرابع الرجلان تحابا في الله والحب ده شيه جوة قلب الانسان. حبيت اخويا في الله حبيت اخير في الله احب لكم خير مما احب لنفسك. حب جوة جوة لا يطلع عليه احد. اعمالك كلها - [00:38:19](#)

الاعمال كلها كانت اعمال سر. علشان كده يوم القيامة لما قابلوا ربنا سبحانه وتعالى هؤلاء لا يستحقون ان هم يكونوا في الشمس او في احوال الناس دي في ظل عرش الرحمن يوم لا ظل الا ظله. يا اخواني اكثر حاجة ترفع الانسان عند ربنا سبحانه وتعالى - [00:38:39](#)

صدقني ممكن يكون في واحد بيصير كتير قوي. كتير قوي. بس صدقني. ممكن عمل بسيط جدا للتعب ده اللي يقول رفعة جامدة

جدا عند ربنا سبحانه وتعالى. عشان كده كانت نصيحة النبي دايمنا لنا ليكن لاحدكم خبء من - [00:38:59](#)

صالح ينبه لنا كده كل واحد فيكم يدور على عمل صالح ييقى عمل مستخبي. ما حدش يعرفه. ركعتين في جوف الليل في انا بيني وبين ربنا كده ما بنمش اختم اليوم كله بركعتين - [00:39:19](#)

والنبي يقول لي الاعمال بالخواتيم. فاغتببت بيومك بركعتين دول. وفي الركعتين استغفرت ربنا فلو تبت اليه وتوب سامحني. ما شاء الله لا قوة الا بالله. دي ناس بتعرف ازاي تتعامل مع ربنا. وقل لي بص الركعتين دول ما فيش بني ادم يعرف عنهم حاجة - [00:39:39](#)  
تقول ما شاء الله واضح اهو في بير ولا مش في بير؟ فضحتك انا اهو. مش هقول اسمي محمد صالح جدا في وقت بينه وبين ربنا ده اللي يرفعك. اختم معكم بجزئية بسيطة من الاداب. عشان اقول لكم ان الرفعة في الدنيا والاخرة على قدر العمل الصالح - [00:39:59](#)  
ابن مبارك رحمه الله كان عدد كبير جدا. مشايخه ان هم اشهر منه. مشايخه اللي هم احلم منك لم يكن له شغل زي شغلة كده. ففي يوم من الايام طالب علم كان عندك لما هو بيقول انا لازم اعرف الراجل - [00:40:19](#)

وليه لما بيتكلم بالكلام تحس ان كلام الراجل ده قام طالع من لسانه كده قام راح ايه انت عارف اللي هو ايه جوة القلب كده قال انا لازم اقعد في الراجل ده وراه حاجة. فبيقول لحد ما في فلان كنا مع بعض في سفر. فانا قاعد - [00:40:39](#)  
قعد كده يبص في حد شايف حاجة خد بعضه خد معاد نفسه وقال كده وقعد يصلي بين ايدين ربنا سبحانه وتعالى قال حتى اذا كان وقت الصبح قام جاي بسرعة نتسحب ودخل وسطهم حط الاله - [00:40:59](#)

وعمل نفسه ايه؟ الناس كلها قامت وهو اخر واحد ايه؟ قايم بقى عمال يلعب في عينيه كده بقى عمال يدعك في عينيه كده والله بهذا ساد قلوبك. هو الراجل ده سابني كده ان كان له عمل؟ ما يقولش لحد عليها. ودايمنا يكسبه. تخيل - [00:41:29](#)  
اذا كان ربنا يفضح الانسان اللي له العمل الصالح ده في السر في الدنيا تمام وفي الاخرة. دول اعلى الناس قدرة عند الله سبحانه وتعالى. ربنا يجعلنا واياكم منهم يا رب - [00:41:49](#)

بسم الله والحمد لله. والصلاة والسلام على رسول الله صلى الله عليه وسلم وبعد قبل ما اتجاوز النقطة دي قبل ما يتجاوز النقطة دي عشان نشوف نوع جديد من انواع الحشرات اللي تصيب اصحاب المعصية يوم القيامة - [00:41:59](#)  
حابب اقول بس نقطتين بسرعة ان شاء الله النقطة الاولانية لو في يوم من الايام الانسان منها وقع في ذنب سر وزي ما قلت لكم في اول الدرس. انا لا اعني ابدأ بذنب السر. آآ مشهد او مقطع او فيلم او كلام مع بنت - [00:42:37](#)

العمر ممكن يكون اكبر من كده. الموظف اللي في في مؤسسة حكومية وبيأخذ رشوة في السر ده عمل سر اعمال السر كثيرة جدا. كل ذنب الانسان بيعمله وهو بعيد عن اعين الناس بس ان هو عامل سر. عايزين نبعد عنه - [00:42:55](#)  
طب انا في يوم من الايام لو حصل ووقع الانسان منا في ذنب من الذنوب اللي هي ذنوب الخلوات. هيلعب معك الشيطان على جزئية خطيرة جدا هي جزئية اليأس والاحباط - [00:43:14](#)

وليس من ورائه الحاجتين الحاجة الاولانية ان الانسان منا اذا يأس او حبط فانه لا يتوب ابدأ بايذة بايذة اصلا الحاجة الثانية الحاجة الاولانية دي قالها الامام الحسن البصري رحمه الله - [00:43:30](#)  
لما قال اياك ان تياس بعد اي ذنب حتى لا تترك التوبة فدايمنا الانسان منا اذا في يوم من الايام وقع في ذنب من ذنوب السر الشيطان بيلعب معه على حنتين حاجتين - [00:43:50](#)

الحاجة الاولانية هي حطة انك بياأسك بقى تماما وبيوصلك لحالة من الاحباط الغير طبيعي عشان ما تتوبش هتتوب من ايه اصلا هو اللي انا باعمله ده اصلا له توبة؟ الحاجة الثانية ودي اخطر - [00:44:07](#)  
دي اخطر انه يوصلك لحالة هذا المرحلة مرحلة اليأس او الاحباط عشان ما تفكرش تقوم وتقاوم الذنب عشان بالتالي ترجع تاني. عارفين زمان واحنا بنلعب ولكمة زمان بقى في وقت الشباب كده - [00:44:25](#)

كم سنة كنا دايمنا بنبقى حريصين على ضربات معينة الضربات دي انت كنت بتضربها دايمنا للخصر عشان يدوخ فبمجرد ما داخ فقد توازنه ما عدش عنده القدرة على انه يحمي وشه فبمجرد اول خبطة هتيجي منك انت هتنيمه - [00:44:43](#)

زي مسلا الضربة اللي كانت اسمها هوك ان انت بتضربه هنا في الحتة دي كده بتضربه كده الحتة دي اصلا بتدوخ. فلو اللكمة قدرت توصل للانسان هنا فطالما داخ منك هو ما عدش بقى ايه مركز. هو حاسس بالوجع اللي في دماغه دلوقتي. فما عدش مركز فلو هو قادر يشيل خبطات انت بتديها له - [00:45:04](#)

قالوا ولا قادر اصلا انه ما عندهوش تفكير دلوقتي انه يهاجم. هو خلاص اتشل اتشل. تقوم انت خبط الخبطة اللي بعدها تلاقيه وقع منك وبصوا لاي جولات ملاكمة. اي جولات ملاكمة. تلاقي دايمًا بيبقى حريص على الضربة دي - [00:45:25](#) حتى وانا باخد فرقة الصاعقة في الجيش لما دخلت الجيش كانوا دايمًا بيركزوا معنا على ضربات معينة. في اماكن معينة تشيل اللي قدامك بيبقى سهل عليك بصوا اوعى في يوم من الايام تقبل ان الشيطان يعمل معك كده - [00:45:43](#)

الشيطان بعد ذنب السر بالذات يبجي تلاقيه خبطك خبطتين ثلاثة انت اتشليت. وساعتها يردد في ودانك فكرة لحد يملى عقلك الواعي واللاواعي بها. خلاص هي خرابانة خرابانة. فطالما خرابانة قم بقى ايه ؟ قم كمل - [00:46:02](#) اوعى في يوم من الايام تسمح انك توصل للمرحلة دي اوعى في يوم من الايام تسمح انك توصل للمرحلة دي. لانه ساعتها انت بقيت عامل زي الكورة في رجل الشيطان. هيخبطك زي ما هو عايز - [00:46:21](#)

واحنا لن نقبل بهذا. انا لن اقبل ابدا في يوم من الايام ان الشيطان يلعب بي بالصورة دي بل احنا كنا دايمًا عندنا اه اه اه لما كنا برده في الفنيات بتاعة الملاكمة انت خدت الخبطة دي حاول بقدر المستطاع انك تفادي اكبر قدر ممكن وكانوا دايمًا بيقلوا لنا كده - [00:46:36](#)

حاول تجمع كل قواك اللي حواليك وفي لحظة ما هو من دفع عليك اديها له مش عارف او صلحك ولا لأ افهمها لكم تاني. هو ضربني ضربة انا خلاص انا داخ. حاجة من اتنين يا تسلم فبالتالي يخبطها لك هو بقى ينيمك في الارض. يا اما انت ايه - [00:46:56](#) اقف كده وده اكيد انتم دايمًا بتشوفوه في حلقات المصارعة لو بتشوفوا وانا بقول لكم حرام ان انتم تشوفوا. ماشي ؟ تلاقيه دايمًا في المصارعة ايه تلاقيه ايه هو سامع عمال مغطي وشه كده ومسامح انه ما ايه يضرب يضرب خصمه بيضربه يضربه هو في وقت الضرب ده حامي الاماكن الحساسة في وشه - [00:47:15](#) مقابل ايه ؟ هو هو على فكرة هو في اللحظات دي بيعمل ايه ؟ بيجمع كل القوى بتاعته وبيستغل بقى كنا دايمًا بنستغل لحظة ايه ؟ ان اللي جاي ده حريص على انه - [00:47:35](#)

يهاجم فهو بيخبط وسايب وشه مفتوح فكان دايمًا المدرب يقول لي ايه سبه خالص واستجمع قوات بس حاول تغطي وشك كويس واستجمع وهو داخل عليك مش في دماغه اصلا. حتة انه مأمّن نفسه تقوم انت رزعاها له. اديتها له نيمته - [00:47:47](#) احنا محتاجين نعمل الخطة دي مع الشيطان هو داخل معي عمال يضرب انا هحاول استجمع قواي. انت خلاص انت انسان وحش اصلا من جواك. انت انسان منتكس الفطرة انت ده الشيخ كان بيقول امبارح خلوا بمحارم اللي انتهكوها ده انت في جهنم وبئس المصير - [00:48:05](#)

هو بيقول لك كده ليه عايز يحبطك ؟ انت بقى حاول كده اقف مع نفسك وقفة كده نقف مع نفسنا وقفة كده واحدة واحدة استجمع فيها قواك استجمع فيها قواك اعظم قوة تستمدها انك لك رب اسمه غفور رحيم - [00:48:26](#) سبحانه وتعالى. اعظم قوة ممكن تستمد منها قوتك. قوة الله سبحانه وتعالى. ركز بقى كده وفكر بقى كده واحدة واحدة. افتكر ان من اعظم قواك في اللحظة دي ان لك رب يغفر الذنوب ولا يبالي. افتكر ان لك رب يبسط يده بالليل لتوب - [00:48:42](#) النهار ويبسط يده بالنهار ليتوب استجمع ده استجمع ان ربنا بيقول لو اتيتني بقراب الارض خطايا. ثم استغفرتني لغفرت لك ما كان منك ولد استجمع استجمع استجمع. وقل لها انا خلاص الزنب ده منتهي. انا هاقوم. دلوقتي اتوضى واصلي ركعتين بين ايدين ربنا واعتذر - [00:49:02](#)

بين ايدين ربنا واستغفر بين ايدين ربنا. سبحانه الله! تفرق كثير بتفرق كثير في حياة اي انسان انه لا يقبل ابدا انه يكون كورة في رجل الشيطان يتلعب بها ولكن يستجمع قواه علشان يقوم ويكمل. انا بشر وممكن اقع ما عنديش مشكلة. بس مش هستسلم للوقوع.

هقوم وهكمل. اوعى - 00:49:22

استسلم. اوعى تسلم لكلام عدوك. لا لأ أنا قادر اقوم واكمل. اليهود المعتدين واننا لنبرأ الى الله سبحانه وتعالى من كل من يقوم

بالتطبيع مع اليهود. نبرأ الى الله من فعل الامارات. ان السلام الوطني لليهود - 00:49:46

يعذب في الامارات نبرأ الى الله منهم ومن افعال من من رضي بهذا من رضي بهذا. ونبرأ الى الله سبحانه وتعالى من اللي يسمح دخول اليهود لاراضي المسلمين. نحن نبرأ الى الله سبحانه وتعالى. نبرأ الى الله من هذه الافعال. دول يهود ودول محتلين لارضنا. دول

يهود - 00:50:06

ودول محتلين لارضنا دول يهود ويونسوا اراضينا. دول معتدين اعتدوا على الارض اه قل لي خلاني قلت ده. انا كنت بقول حاجة قبلها اه اليهود لما كانوا في مصر كانوا دايمًا عمالين يفرسوا جوانا احنا الجيش الذي لا يقهر. احنا الجيش اللي مش عارف ايه. احنا لو

سلمنا - 00:50:26

وخلص وما الجيش الذي لا يقهر. كان ايه اللي حصل خلاص كانت هتفضل مصر لحد الان محتلة. ولكن انك تقوم وتقف وتقول لأ احنا

ممكن. انا مش هستسلم. اه فيها - 00:50:51

كزيمة وفي ظهر هزيمة مش هستسلم انا هقوم وهكمل. اسأل الله سبحانه وتعالى ان يبارك في كل انسان ساعد في

طرد اليهود من بلاد المسلمين من مصر يعني ربنا يجزي خير واسأل الله ان يرحمهم كل من يعني اراق دما في ثلاثة وسبعين وما

بعدها لحد ما اليهود خرجوا من مصر - 00:51:06

اوعى في يوم من الايام تستسلم اليهود زي الشيطان بالزبط اه والله. اليهود زي الشيطان بالزبط الشيطان بيبقى عايز دايمًا بيأسك.

عايز دايمًا بيأسك. اوعى تياأس بل انت قادر. ما فيش حاجة اسمها مستحيل ان انا اسيب الذنب. لأ انت قادر باذن الله استعين بالله.

خد مددك من ربنا سبحانه وتعالى ربنا يعينك ويوفقك ويكرمك - 00:51:27

ان شاء الله تبارك وتعالى. الحاجة الثانية يا اخوانا الحاجة الثانية علشان نختم بها بها درسنا واجابوب على اسئلتكم سريعًا. معصية

السر من اكثر الحاجات اللي على ان احنا ان شاء الله يعني نتركها باذن الله - 00:51:54

اه انك في ارض معصية السر او في مكان معصية السر اعمل مكانها طاعة سر على فكرة ده في علم النفس في علم النفس ان النفس

تعتاد على ما تقوم به. بمعنى ايه؟ انا اعتادت ان انا في اوضتي اعمل حاجة غلط. اعصي ربنا بمعصية معينة - 00:52:10

خلاص انت كل اما هتخش الاوضة ايه اللي هيحصل خلاص واصبح مرسوم جواك ان المكان ده مكان ايه؟ علشان كده كان فيه عالم

من معالم نفس امريكي اسمه جون سي ار له كتاب اسمه قواعد التغيير الخمسة من - 00:52:30

اهم الكتب اللي لازم تقرأها يا ولاد. من اهم الكتب اللي لازم تتقرأ. الكتاب ده البنتاجون صارف عليه ثلاثة وثمانين مليون دولار وهو

جرب الكتاب ده بالقواعد التغيير الخمسة دول على اكثر من خمسة وتلاتين مليون امريكي - 00:52:45

عشان يوصل للنتائج دي. فكان من اهم النتائج لو انت عايز فعلاً تغير اه اه البعد عن البيئة الخطر. انا كنت باشرب سجائر استغفر الله

مش انا. شاب كان بيشر ب سجاير. آآ آآ اللي كان دايمًا بيرجعه للسجاير صحابه. فييسموا الصحاب دي بيئة ايه؟ بيئة خطر -

00:53:00

بييسموا الصحاب بها ايه؟ خطر. فييقول اللي عايز يتغير لازم يسبب البيئة الخطر خدتوا بالكم؟ ده هي طبعا في هدي النبي صلى الله

عليه وسلم اترك ارضك فانها ارض سوء. جميل كده؟ ارجع تاني واقول لكم حاول دايمًا اللي يبقى - 00:53:20

البيئة الخطر دي بمجرد ما الانسان يقرب لها بيفتكر بقى دايمًا المعصية اللي عملها وبيفتكر مش عارف ايه ويفتكر ايه ويفتكر ايه

ويفتكر ايه. حاول تربط دايمًا نفسك في البيئة اللي كان فيها مع - 00:53:37

بطاعة كبيرة جدا عارف ليه؟ علشان النفس بعد كده بمجرد وانا في الاوضة بتاعتي ما تفكرنيش بذنب. ده نفسي هتفكرني بايه؟ لأ

ده الاوضة دي انت صليت فيها ركعتين لله. بمجرد ما تخش بس. انت خلاص عينك بقت داخله على المكان اللي انت بتصلي فيه.

داخله على المكان اللي انت بتقرأ فيه القرآن. وسعي - 00:53:47

اخواننا وسعوا لآخوكم عين الدخلى على خاتم التسبيح بتاعك اللي انت حاطه بتذكر ربنا عليه. عينك داخلة دايمًا على التسجيل اللي انت بتشغله على القرآن. فاصبحت المسألة بالنسبة لك ايه - [00:54:06](#)

خلاص نفسك ما عدتش بتعوضك لاي حاجة الا الايه؟ الا الطاعة. علشان كده سبحان الله جونس قارو وهو بيتكلم على جزئية التغيير دي. استبدال البيئة الخطر ببيئة امنة. تذكرت قول النبي صلى الله عليه وسلم لمعاذ ابن جبل رضي الله عنه. لما قال يا رسول الله اوصني. قال يا - [00:54:19](#)

معاذ اذا اذا اسأت فاحسن ان سرا فسر وان جهل فجهل القاعدة اللي وصلوا لها جنسي او بعد يعني كم سنة بعد كم سنة وخمسة وتلاتين مليون امريكي عمل عليهم اختبارات هو النبي قالها لنا في كلمة واحدة - [00:54:39](#)

المكان اللي عصيت فيه ربنا سرا آآ اقطع ربنا فيه سرا. تكون النتيجة ان خلاص النفس ما عدتش بتساومني ان انا آآ يعني بص على حاجة غلط لان خلاص هي نافسة وممتنة اصلا على فعل الخير. لو النفس اعتادت على ده وغيرنا البيئة دي ببيئة تانية. بفضل الله يعني الامور بفضل الله بتتحسن كثير. كان - [00:54:57](#)

انا عايز اتكلم النهاردة عن من اشد بقى عكس بقى اللي احنا قلناه في الدروس التلاتة اللي فاتوا. انزلهم يوم الحسرة هو ضياع الحسنة. يعني كان نفسي اختم بقى النهاردة في - [00:55:17](#)

في ان من اعظم الحسرات يوم القيامة هي مش قضية ضياع الحسنة. ولكن قضية السيئة المضاعفة ان انسان له سيئة مضاعفة اضعاف كثيرة جدا. ايه صور ايه المعاصي اللي بتخلي الانسان بياخد السيئة مضاعفة اللي ربنا قال عنها في القرآن ولا يحملن ايه - [00:55:27](#)

قالهم واثقالا ايه؟ مع اثقالهم. يشيلوا اوزار واوزار مع اوزارهم واثقال واثقال اه هم شايلين معاصي ناس تانية ليه لا ده ده حوالي اربع خمس صور نخليهم بقى درس جاي عشان اجاوب على اسئلتكم. جزاكم الله خيرا. هذا وصلى الله على نبينا محمد واله وصحبه وسلم. اجاوب على الاسئلة بتاعتكم سريعا ان شاء الله - [00:55:45](#)

طيب السؤال الاولاني بيقول آآ احيانا انا بشعر ان قلبي فصل شحن قلب فصل شحن. آآ شف التعبير الجميل هو احنا النهاردة عمل كل انسان بيأثر في كلامه الهلال اللي بيصلح كمبيوتر لما يحس بتعب يقول لك ده انا ايه ده انا مهنج - [00:56:07](#)

طيب نرجع تاني احيانا اشعر ان قلبي فصل شحن وما يبقاش فيه خشوع وما فيش حاجة بتأثر فيه. وفجأة الاقي نفسي خاشع جدا. ايه الحل يا شيخة؟ هي دي الطبيعة يا ابني انت مش واخذ بالك دي الطبيعة اصلا. هي طبيعة القلب كده. طبيعة القلب اصلا ان لازم طالع نازل. انا هضرب لك مثال ما تتساهوش ابدًا عشان ما تياسس - [00:56:39](#)

آآ الانسان منا آآ اللي آآ بيعملوا له آآ آآ حاجة على القلب كده رسم قلب فتلاقي دايمًا رسم القلب ايه ها اه طالع نازل فطول ما هو طالع نازل ده دلالة على ايه؟ آآ بيبقى شغال. خدت بالك؟ القلب اصلا بيعمل كده كده ويرجع. كده ويرجع كده ويرجع - [00:56:59](#)

القلب نفس القصة كده يزداد ايمان وينطفى شوية يزداد ايمان وينطفى شوية. ده اللي النبي قاله لنا في الحديث قال صلى الله عليه وسلم آآ ما من قلب الا وله - [00:57:19](#)

سحابة عارفين كسحابة القمر ليلة البدر. ليلة خمستاشر تلاقي القمر منور كده. ومرة واحدة تلاقي السحابة جت ايه؟ ها عدت عليه فالسحابة لما عدت عليه النور الاول راح فين؟ اه طفى - [00:57:29](#)

لأخذ بالك من حاجة. مش القمر موجود. السحابة هتعدى السحابة هتعدى وهيفضل القمر موجود. السحابة هتعدى وهيفضل القمر موجود. آآ وسيدنا حنظلة راحل قال للنبي انا احنا بنكون معك بتذكرنا يا رسول الله - [00:57:44](#)

الجنة والنار فكأنما نراها ايه؟ في حديث رواه الامام احمد في المسند من حديث ابي هريرة يا رسول الله انا لنكون معك فتذكرن بالجنة والنار. آآ فطريق قلوبنا وتدمع - [00:57:59](#)

ونكون من اهل الآخرة. اول ما نرجع بقى آآ للزوجات وللوالاد هم دايمًا يعني يعني ايه انت عشان لسه ما اتجوزتش بتتكلم بكل جراءة. انما اللي متجوز وزوجته قاعدة هناك ما يقدرش يتكلم طبعًا. طبعًا خير متاع الدنيا - [00:58:09](#)

الدنيا متاع وخير متاعها المرأة الصالحة. صلوا على النبي صلى الله عليه وسلم. فيقول يا رسول الله انا برجع للبيت الحلال الحلال باهزر مع مراتي وباضحك معها وبانزل كده عفوا عفوا. آآ كاني دابة كده كاني حمار والاولاد يجوا يركبوا فوقى فبنسى - [00:58:31](#) رسول الله فالنبي قال ايه ؟ ها يا حنظلة ها ساعة وساعة. فاكيد ساعة انت هتطيح فيها ربنا وساعة برضو هتضيع فيها ربنا بالايه ؟ بالحلال صاحب الحلال بتهزر مع زوجتك وتلعب مع زوجتك. تلعبوا مع بعض صلح. حلال والله. حلال انا عارف ايدها بتبقى ثقيلة شوية بس حلال برضو - [00:58:51](#)

حلال تدخل السعادة على قلبها. احمد تروح تعمل كده. هزرهم مع بعض اضحكوا مع بعض. دي عبادة بنتقرب بها الى الله سبحانه وتعالى. واسأل الله ان يتجاوز عن تقصيره هنا في حق نسانا. احنا مقصرين جدا والله. نسال الله السلامة. فهو بيقول له ساعة وساعة. ساعة هتلاقي قلبك يشعر بطعم الايمان وساعة هتلاقي القلب ايه - [00:59:14](#) ضعيف شوية. فده الطبيعي يا اخوانا. بس الغلط بقى الغلط الغلط. وطبيعي في اي اي شيه في الكون. اي شيه في الكون شو لحظات قوة ولو لحظات ضعف. الحاجة الوحيدة اللي بتفضل ماشية على نسق واحد ما بتقلش ابدأ. هي الملائكة - [00:59:34](#) قال الله سبحانه يسبحون الليل والنهار لا. اه ما بتفتersh ابدأ الملائكة هي على مستوى واحد بس. دي الملائكة انما اي شيه في الكون اي شيه في الكون بتيجي عليه لحظات طلوع ونزول - [00:59:52](#)

قلوبنا كده الايمان كده آآ يعني حتى حتى الكلية عندك بتيجي عندك لحظات بتحبها اوي لحظات ما بتحبهاش خالص. ولا ما بتحصلش طيب ولكن خد بالك من حاجة ان في لحزة ما انت بتحس ان قلبك بدأ ينزل بسرعة حاول بقدر المستطاع ان انت تغزيه - [01:00:05](#) ان انت تغزيه. اه تشحن بقى. نشحن بقى القلب. زي البطارية. حاضر بالزبط. زي البطارية بتاعة التليفون. انت اول ما بتشوف بطارية التليفون بدأت تنزل لشرطة واحدة. انت بتعمل ايه؟ بتحطها في الشحن - [01:00:23](#)

ولا يمكن ابدأ تكون مسافر وشايف التليفون وصل لحاجة زي كده وتسيبه. انا مسافر الصبح بالليل بقوم جايب الشاحن حاطه هنا والله العظيم اللي هياخد الشاحن فيكم شو بعمل فيكم ايه؟ علشان انا عايز الشاحن التليفون مشحون. نفس الكلام. انت بالنسبة لقلبك حاول تشحنه. تشحنه بايه؟ وجودك في المسجد مسلا ما بين المغرب والعشاء - [01:00:39](#)

تقرأ ورد قرآن تروح تحضر درس علم آآ انك تسمع حاجة ما شاء الله تقرب قلبك الى الله سبحانه وتعالى. انا في انشودة كده دايمًا سبحان الله بتقربني جدا من - [01:00:59](#)

بحس جدا ان قلبي بيتغير تماما. يعني انشدت ليس الغريب بتاعة زين العابدين. الانشودة دي يعني لما باحس كده في قلبي كده بيقفوا شوية على طول بحط السماعه في وداني واسمعها - [01:01:09](#)

اذا ما قال لي ربي اما استحييت تعصيني؟ آآ بتأثر في جدا يا سلام فالحاجات دي يا اخوانا اول ما تحس ان قلبك نزل على طول يا طه قرآن ذكر استغفار يومين ثلاثة صيام ورا بعض وجودك في المسجد الحاجات دي بترفع - [01:01:23](#)

شوي من حال القلب. انشودة طيبة بدون موسيقى تسمعها تكون تؤثر كلماتها المؤثرة كده. تفرق معك كثير جدا ماشي يا اخوانا؟ او تشوف سبب الهبوط في الشحن ايه؟ سبب الهبوط في الشحن ده بمعصية من المعاصي. خلاص انا هسيب المعصية دي. ماشي كده؟ وده طبيعي جدا وكلنا هذا الانسان - [01:01:40](#)

نازلين ماشي طيب ما هي الاعمال التي يكفر الله بها معاصي السر؟ طب انا قلت دلوقتي اهم عمل ممكن نكفر به ان انا في مكان معصية السر اعلم طاعة سر. وهقول لكم على حاجة يا اخوانا - [01:01:58](#)

جميلة جدا آآ قالها الامام العربي الامام الغزالي رحمه الله لما كان بيقول آآ في حديث النبي صلى الله عليه وسلم بيعلق على حديث النبي صلى الله عليه وسلم وهو يقول آآ آآ اتق الله حيثما كنت واتبع السيئة الحسنة - [01:02:12](#)

ايه؟ تمحها. فهو بيقول ايه السيئة؟ ايه الحسنة عفوا اللي اتبعها السيئة؟ يعني مسلا انا قعدت اغلط في وهو مش موجود وقعدت اغتابه فانا دلوقتي عايز اتوب الى الله سبحانه وتعالى. اعمل ايه يعني؟ قال لك لما تيجي تعمل حسنة اعلم حسنة من جنس المعصية اللي انت عملتها. المعصية اللي انا عملتها كانت معصية ايه - [01:02:27](#)

اعمل طاعة باللسان اذكر ربنا سبحانه وتعالى كثير استغفر ربنا كثير اقرأ قرآن كثير. واهم حاجة تروح لصاحبك اللي انت غلظت فيه وتقول له يا عم انا سامحني امبارح يا اخي كنت آآ يعني بهدلتك. سامحني بقى بالله عليك - [01:02:51](#)

اه طب واحد في يوم من الايام مشى المعصية واحد فيهم لما مشى المعصية التكفير عن المعصية دي يعمل ايه؟ امشي في طاعة امشي في قضاء حاجة انسان امشي بفضل الله في فعل معروف - [01:03:06](#)

امشي للمسجد واحد في يوم من الايام خد مال حرامي علشان يتوب الى الله عز وجل يعمل ايه الذنب متعلق بالمال يبقى لازم اتصدق كثير ومن ضمن الافعال اللي انا عملها طبعاً ان انا ارد المال ده - [01:03:19](#)

لصاحب المال بطريقة او باخرى فدايماً حاول دايماً اللي عايز يترك معصية معينة دور على المعصية دي اولاً اول خطوة عشان نبقي مرتبين زي ما متعودين مع بعض. اول حاجة هي المعصية دي باي جارحة من الجوارح؟ اه باللسان. اتنين يبقى ايه الحسنه اللي انا اتبعها المعصية دي - [01:03:31](#)

اعمال اللسان. دور بقى على شوية اعمال في اللسان بقى كده. آآ تروح ما شاء الله تقول لزوجتك كلمة طيبة. آآ تروح تقول لها والله العظيم يعني انت مش انت وحشتيني جدا النهاردة. انا - [01:03:51](#)

بحبك جدا النهاردة. وهي طبعاً فاهمة. طالما انت جاي بتتكلم كلام حلو يبقى انت كنت بتعمل ايه قبل ما تيجي. آآ تروح والدك ووالدتك تكلمهم كلمة طيبة اه في يوم من الايام انا عصيت والدي ويعني ايام بقى الشباب بقى وعملت مشاكل مع والدي كثير. احسن دلوقتي خد هدية جميلة لوالدك وروح اتكلم معه. احسن - [01:04:01](#)

اللي فرحه زعلته زمان افرحه دلوقتي آآ والدي مسلاً آآ اظن ان مش هيبقى ما فيش حاجة خالص هتفرح والدي قد مسلاً ايه كارت الشحن بتلاتين جنيهه عشان تقعد تكمل القصة مع خالتي بيتكلموا فيها بقى لهم - [01:04:24](#)

تلات اربع ساعات ولسه مخلصوهاش فاحسن هدية لوالدتك انك تشحن لها التليفون بتاعها. فعلى قدر ما انت بتعصي ربنا في زنب معين فكر اولاً تفكيرين اول تفكير اول حاجة الذنب ده باي جراح من الجوارح بالجوارح المعينة. ثاني حاجة آآ الحسنه هتكون من ايه؟ من جنس هذا العمل - [01:04:38](#)

التذكير بيصوم الخميس انا لما شفت الورقة فرحت وزعلت فرحت ان احنا لسه بفضل الله صائمين خميس وزعلان قوي ان احنا بقى لنا فترة طويلة جداً ما حدش بعث لي الورقة دي - [01:04:59](#)

بكرة الخميس ان شاء الله كلنا صائمين باذن الله تبارك وتعالى. ان شاء الله صلاة الفجر. صلاة الفجر النهاردة يا اخوانا ما تنسوش حسن حسن فين؟ حسن الصعيدي حسن دي من عند ربنا ما كانش من عندي انا. دي بتاعة ربنا. فانت المفترض تقول يا رب يعني ربنا. اه حد بيقول لوالدة صديقي مريضة بالسرطان نرجو ان احنا ندعو لها جميعاً - [01:05:10](#)

يعني اسأل الله سبحانه وتعالى باسمائه الحسنى وصفاته العلى ان يشفيها شفاء لا يغادر سقماً. اللهم رب الناس اذهب عنها البأس اللهم اشفها انت الشافي الا شفائك اللهم اشفها شفاء لا يغادر سقماً - [01:05:42](#)

انا احبك في الله يا شيخ انا حملت بواحد صاحبي شغال قدامي نصراني حملت انه اسلم. وكان بيقراً القرآن. احكي له ولا ما اقولوش لو انتم فعلاً انتم اصحاب وبينكم وبين بعض عشم ومودة ومحبة روح بشره. رح اخبره بهذا الامر - [01:05:59](#)

اما اذا كان ما فيش بينكم وبين بعض كلام فانصحك ما تروحش. ولكن اره اخلاق الاسلام وربني الاخلاق الاسلام وخليك انت كده مسلم آآ يعني باخلاقك بطباعك باحوالك دي تفرق كثير جداً ما شاء الله لا قوة الا بالله. اعرف حد ما شاء الله - [01:06:16](#)

من الناس الصالحة جداً شغال معه حد كده برضه. سبحان الله! شاف منه ادب واخلاق واحترام وصلاة وعبادة ومؤدب. وراجل تاجر وناجح بفضل الله تسلم برضو بفضل الله اللهم لك الحمد - [01:06:34](#)

اكثر شيه يؤثر في الناس الاخلاق مش هتأسر الناس بحاجة زي اخلاقك سيبك بقى من الكلام يأس دايماً الناس باخلاقك العزومة الساعة كم طيب آآ الاخت اللي باعته آآ آآ الورقة وبتقول ان هي حاسة بانتكاسة شوية - [01:06:48](#)

يعني انا انا زوجتي عندك هناك ان شاء الله اسألني عن ام مريم. وروحي اقعدني معها شوية. انت محتاجة بس حد تتكلمي معه

استأزنتك بس تكلميتها وآ وهي ان شاء الله هتدلك على الطريق الصحيح ان شاء الله تقول لك هتعملي ايه باذن الله تبارك وتعالى -

[01:07:17](#)

احنا في كتير من الاوقات السؤال ده متكرر جدا هو شعور الانسان انه عنده انتكاسة وهو ضعيف مش قادر ياخذ قرار. يعني هي بتقول لي انا حاولت ان انا آأ اخذ خطوة في الصلاة. حاولت ان انا اقرأ قرآن. بس للاسف مش قادرة. ومهما عملت من جداول انا

بارجع - [01:07:34](#)

انا كل اللي انا عايز اقول له لك بصي يا بنتي فيه في بعض الاوقات آأ بيحي لي صداع فانا باخد حباية اكسدرين الحمد لله بخف وفي

اوقات تانية بيحي لي تعب ما ينفعش اجد فيه حاجة من دماغي. لازم ارواح فيه لدكتور ودكتور يكون شاطر كمان - [01:07:50](#)

صح ولا غلط وفي بعض الاوقات في بعض الاوقات انا ما بقاش قادر ارواح للدكتور فلزام الدكتور هو اللي يحي لي في كتير من

الاقوات انا بيبقى عندي ذنب ونفسي اسيبه او حاسة بانتكاسة ونفسي اتغير ومش قادرة علشان انت لوحده - [01:08:09](#)

ودي نصيحتي اللي انا بقولها لك وده اللي انا اقدر افهمه من السؤال بتاعك آأ يا بنت الحلال ربنا يا رب يحفزك ويبارك فيك. انت على

خير. ودلالة ان انت على خير انت مش منتكسة. ودلالة ان انت على خير جاية تحضري درس. ودلالة ان انت على خير - [01:08:27](#)

انت حاسة ان انت عندك مشكلة وازمة وباعطة للشيخ علشان يجاوب لك على الازمة بتاعتك. فده دلالة ان انت جواك خير وخير كبير

جدا. بس في كتير من الاوقات احنا بنبقى - [01:08:41](#)

ايش عارفين التوجيه الصح لنا ايه آأ انا في بعض الاوقات انا في بعض الاوقات آأ انتم عارفين حديس قاتل مائة نفس لما كان لوحده

وراح للعابد قال له انا لي توبة قال له ايه؟ هو عايز يغير اهو قال له لآ ما فيش لك توبة فقتله. لانه كان لوحده. يا جماعة طب انا -

[01:08:51](#)

انا عايز ابقي كويس. اهو ده حالك. انت عملت جدول ورجعت فيه وخذت طاعة ورجعت تاني. فانت عشان لوحده. عشان كده العالم

الراجل الفاهم ربنا يا رب يجزيه خير قال له بص في ارض هنا اهو فيها ناس كويسين رح اعبد ربنا ايه معهم. اعبدوا الله معهم. في

كتير من الاوقات يا اخواننا انا - [01:09:10](#)

لوحدي ما بعرفش اتحرك. بالزبط. حاولي دايمًا تكون معك رفقة وابدأوا مع بعض خطوات واحدة واحدة. نصوم اتنين وخميس مع

بعض يعني انا يعني نصوم اتنين وخميس مع بعض. نعمل جلسة قرآن مع بعض. نروح درس علم مع بعض. نذاكر حاجة مع بعض.

طول ما احنا مع بعض - [01:09:30](#)

احنا ان شاء الله هنقوم يد الله مع الجماعة يا اختي. النبي صلى الله عليه وسلم يقول الشيطان مع الواحد وهو مع الاثنين ابعد. عايز

اقول لك ربنا يا رب يحفزك ويبارك فيك النبي صلى الله عليه وسلم - [01:09:52](#)

قل لنا ان الذئب لا يأكل الا من الغنم الايه؟ القصير. الغنم لو فيه غنماية بعدت شوية كده عن عن صاحباتها وزميلاتها. بيحي الذئب

ياخذها ويمشي سهلة جدا. يخاف الذئب يخش وسط قطيع الغنم. دي ترفس برجليها دي تخبط باطنها يموتوه. احنا هنبقى اقوياء.

انت هتبقى قوية جدا - [01:10:02](#)

جدا جدا بوجودك وسط مجموعة من اخوات يساعدوك على الخروج من اللي انت فيه الان. عشان كده انا بانصحك وانا باوجه

النصيحة لاختواتنا اللي موجودين معنا. دي اختكم وتكونوا في زهرها. تساعدوها وتاخذوا بايديها وتاخذ بايديهم. وناخذ بايديهم

بعض ونساعد بعض. ويحملوه في تراث - [01:10:22](#)

تعالوا المسجد ان شاء الله يوم الخميس الجاي تعالوا بكرة صوموا بكرة وافطروا مع بعض الاثنين وافطروا مع بعض في المسجد اللي

اتربطنا فيه بالدعوة اترابطنا فيه بالكلام عن ربنا طول ما احنا - [01:10:41](#)

يعني مسلا انا لما جيت رحت الجيم لوحدي رحت يومين ورجعت كسلت ربنا يكرمه اخونا حسام طوله وهو معي. مكملين وقعدنا

سنة كاملة مع بعض. جينا شوية لما هو بقى مش عارف يتشغل في حاجات انا ما عرفتش ارواح تاني. فانا ضعيف انا ضعيف لوحدي -

[01:10:51](#)

ولكن لو اتنين ثلاثة معي احنا محتاجين دي. فانت ينقصك مجموعة من البنات يكونوا حواليك ياخدوا بايديك ويساعدوك ربنا يا رب  
يكرمكم ويفتح بين ايديكم ويعني اسأل الله سبحانه وتعالى ان يمد الينا يد عونه ويد مدده ليأخذنا من من سيطرة نفوسنا علينا  
ليكون - [01:11:07](#)

المحرك الاساسي للقلوب والموجه للقلوب والموجه للابدان هو الله سبحانه وتعالى يعني. اسأل الله ان ياخذ بنواصينا اليه. واسأله  
سبحانه وتعالى يعني ان يعصمنا بعصمته وان يعني يعيننا على ذكره وعلى شكره وحسن عبادته. جزاكم الله خيرا هذا صلى الله على  
نبينا محمد وعلى اله وصحبه وسلم - [01:11:28](#)  
- [01:11:48](#)